



**Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 68. Epistola Eugenii ad Patres Synodi.

---

[urn:nbn:de:hbz:466:1-66426](#)

**Secul. XV.** *tum, in sacris ordinibus constitutum, & alias idoneum.* **A. C. 1433.** *Quod si aliter, aut per Simoniacam pravitatem electionem fieri contigerit, electio sit ipso jure irrita & inanis, & sic simoniacum eligentes, perpetuo sint ipso facto jure eligendi privati.* V. Tandem Patres adhortantur *Principes, communitates, & alios, cujuscunque gradus & dignitatis existant, ne electoribus literas scribant, aut preces porrigant pro eo, qui per se, vel per alios tales preces, seu literas procurabit, multoquin minus comminationes, impressiones, at alius faciant, quo minus libere ad electionem procedatur.*

## §. LXVIII.

*Epistola Eugenii ad Patres Synodi.*

**E**ugenius hæc decreta, præsenti Sessione condita, præcipue primum, summa indignatione exceptit, cumque jam antea graviter a Synodi Patribus offensus esset, quod illi paulo ante Legatos, quibus de Synodo Bononiam transferenda cum Basileensibus agere præceperat, recipere, ac audire recusassent, ideo die vigesima nona Julii Constitutionem edidit, quæ omnes citationes, judicii acta, & decreta Basileæ contra se, contra Sacram Se dem, & contra Cardinales hucusque condita, ac quæcunque imposterum condenda, omnino irrita ac nulla declaravit, exceptis

ceptis duntaxat illis, ad quæ pertractanda Sæcul. XV.  
 ipse Synodo auctoritatem dedisset. Ve-A. C. 1433.  
 rum paulopost Pontifex nonnihil servorem suum temperasse videbatur; quippe  
 epistolam die prima Augusti datam ad Synodum misit, qua significabat, quod intellec-  
 tis caussis, ob quas Legati a se missi re-  
 jecti fuissent, tandem declararet, a se ad  
 tollendam omnem schismaticis occasio-  
 nem, & ad preces Imperatoris, necnon  
 de consilio trium Cardinalium (qui soli  
 eidem erant præsentes) Synodum a tem-  
 pore suæ inchoationis approbari, illius-  
 que continuationem ratam haberi, eo ef-  
 fectu, ut Patres hæresibus, bellis, morum-  
 que corruptelis tandem extirpandis, aliis-  
 que abusibus tollendis tranquille incum-  
 bere valeant, perinde ac si nulla transla-  
 tio vel dissolutio unquam facta fuisset, unde a se tam hanc quam illam plene ac si-  
 ne omni exceptione revocari. Insuper  
 pollicebatur, se præsentem Synodum pro  
 viribus promoturum, omnique favore pro-  
 secuturum, dummodo Legati sui admitte-  
 rentur, ac omnia decreta adversus ejus  
 personam, auctoritatem ac libertatem con-  
 dita, necnon adversus Sacram Sedem,  
**Cardinales, Prælatos, aliosque sibi adhæ-  
 rentes in Concilio gesta abolerentur.**

## §. LXIX.